

T12

Libro I, fr. XLVII

In attesa dell'*auspicium*

Curantes magna cum cura tum cupientes  
 regni dant operam simul auspicio augurioque.  
 In [...] Remus auspicio sedet atque secundam  
 solus avem servat. At Romulus pulcher in alto  
 quaerit Aventino, servat genus altivolantum.  
 Certabant urbem Romam Remoramne vocarent.  
 Omnibus cura viris uter esset induperator.  
 Expectant veluti consul quom mittere signum  
 volt, omnes avidi spectant ad carceris oras  
 quam mox emittat pictos e faucibus currus:  
 sic expectabat populus atque ore timebat  
 rebus utri magni victoria sit data regni.  
 Interea sol albus recessit in infera noctis.  
 Exin candida se radiis dedit icta foras lux  
 et simul ex alto longe pulcherrima praepes  
 laeva volavit avis. Simul aureus exoritur sol  
 cedunt de caelo ter quattuor corpora sancta  
 avium, praepetibus sese pulchrisque locis dant.  
 Conspicit inde sibi data Romulus esse propitium  
 auspicio regni stabilita scamna solumque.